

應州續志卷之一

應州知州南豐吳炳纂輯

方輿志

沿革風俗

形勝災祥

山川

古蹟

禹貢分九州以山川定疆界夾漈鄭氏謂州縣有時而移山川終古不改輿地記云今之州縣在漢則為郡漢之郡縣在三代則為州雖分合離晰不可討究而山林川澤墳衍原隰之名物險要阨塞民風土俗之盛衰按籍而稽九州之內未可緝也三晉郡邑繁矣應介其閒如彈丸然然自古迄今麗於職方者州邑或更或革事蹟或廢或興宜都為一書以資考索至星野祥異古人沿襲書之甚詳康對山志武功獨不載星野蓋天道渺茫窺測殊難所見卓矣舊志於應既確定為趙之昂畢復騎墻於燕之箕尾當何說之從今倣其例削之志方輿

應州續志

卷一

一

沿革

應州唐以前沿革詳舊志五代時屬大同軍節度後唐
天成元年升彰國軍節度興唐軍寰州隸焉石晉天
福元年以地入遼兵事屬西京都部署司統縣三金
城河陰按金史河陰即山陰渾源金仍爲彰國軍節度使貞祐
二年升渾源爲州領縣二元仍爲應州領縣同至元
二年併山陰入金城後復置明洪武初以州治金城
縣省入領縣一山陰

國朝因之雍正八年改山陰縣同隸大同府

應州續志

卷一

二

炳按遼志唐武德時置金城縣後改應州又金城縣
地里志本漢陰館縣地漢末廢爲陰館城大業末陷
突厥唐始置金城縣元志應州唐末置後唐升爲彰
國軍是陰館縣漢末即廢應州金城縣爲唐置無疑
然探討諸史殊多牴牾北史云晉懷帝時進穆帝大
單于封代公帝以封邑去國懸遠從并州刺史劉琨
求勾注陁北地琨乃徙馬邑陰館樓煩繁峙崞此崞縣即
今渾源州五縣人於陁南更立城邑盡獻其地是陰館縣
晉時尚存非廢自漢末北周志張羨爲應州刺史見

子張昷傳李超爲應州刺史見子李景傳隋唐君明
爲應州刺史卒於官見北史是應州在周隋時卽有
其地非始自唐遼志元志謂應州爲唐置殆未確鑿
更可疑者金城旣爲武德時置後改應州則唐史卽
當明載改置始末何以地里志內並無應州金城縣
之名卽官職內亦無仕於應者殊不可解總之應州
初建決不始於唐而正史無稽不得已姑仍之以俟
後之博雅君子攷焉

形勝

北魏天興六年九月行幸南平城規度灑南

灑一名濕治流合桑

乾河夏屋山背黃瓜堆將建新邑

見北史

五代唐末帝詔應州修茹越口忻州修堙石嶺開左右

道路將以偏師擣契丹也

見郡志

宋眞宗時張耆爲潞州都監帝以耆歷河東稔邊事召

耆至宣和閣問地里險易狀耆因言契丹雲應蔚朔

四郡閒遣人以文移至并代閒非覘邊虛實卽欲熟

道路宜密諭代州使自雲應蔚至者由大石谷八自

應州續志

卷一

四

朔至者由土燈入餘閒道皆塞之以示險

見宋史

仁宗時包拯言契丹改雲中爲西京集兵馬意叵測且

雲州至并代地近形勢坦平此漢與北古今出入之

路自失山後五鎮控扼尤難郡志按宋與契丹跨忻

代應等州爲界此慮其下甲鴈門以窺太原爲今茹

越北婁云

見郡志

遼道宗獵大牢古山彰國軍節度使耶律頗的謁於行

宮上問邊事對曰自應州南境至天池

在今寧武府地

皆我

耕牧之地清寧閒邊將不謹爲宋所侵烽堠內移似

非所宜道宗然之遣人使宋得其侵地命頗的往定

疆界

見遼史

金貞祐初吳僧哥以兵復朔州苦乏食乞賜糧十五萬

斛朝廷以應州已破朔爲孤城其勢不可守乃遷朔

軍民九萬口分屯於嵐石隰吉之間

見金史

明正德十一年都御史李鉞於鴈門東築七堡石墻吳

城六郎以遏山陰之衝東梁坡亂石灘駱駝石以遏

應州之衝天井梁以遏渾源之衝

嘉靖十九年都御史劉臬請城鴈門關隘三百里高濶

應州續志

卷一

五

以一丈五尺爲式掣回大同協守班軍分戍十八隘

鴈門平刑盤道梁爲阨塞由鴈門東顧則平刑西顧

則盤道梁介乎東者則水峪胡峪馬蘭茹越小石大

石太安團城凌雲葫蘆焉介乎西者則太和白草八

岔小蓮夾柳燕水鷗窩元崗焉是所名十八隘也俱

有堡

俱見明史

炳攷明史地理志應州北有桑乾河西有小石口

查小

石口在州東明史作西誤

南有茹越口西南有胡峪口又有北婁

大石等口通志小石胡峪茹越等口尤爲險隘正統

景泰以來瓦剌俺荅節從鴈門關東茹越等口八掠
直至忻代諸州縣是州在勝國固晉省要害之地也
今百餘年間形勝如故烽煙無警昔之恃爲險阻毗
連塞外者幾無甌脫藩籬之限登臨之餘漠然徒見
山高而水清盖天下之平久矣民生斯時安居粒食
以生以長無兵戈蹂躪之慘可不深思致此之繇耶

山川

龍首山 田志卽邊耀山在州東北三十里延袤千里
兩鎮三關志廣靈之六稜山源於龍首吳伯與評畧
蔚州北八十里襄山西接應州龍首山 通志邊耀
龍首分作二山又註邊耀在州西北三十里悞

翠微山 州東南三十里東起北岳恆山之右龍首山
西迤翠微峯茹越峯龍灣山香峯護駕崗西南聯勾
注山蜿蜒環疊袤二百里有奇橫列州南似翠屏高
不可勾股海島法量俱稱南山山下水分流東北入

應州續志

卷一

七

渾河西北入桑乾河

鴈門山 州西南南山之北與龍首相望後漢志注在
陰館史記漢蘇意軍勾注應劭曰山險名也在縣爾
雅八陵西隃鴈門是也郭璞曰卽鴈門山山海經云
鴈門山者鴈飛出於其間 按鴈門山當在代州通
志以古之勾注爲卽今之鴈門關可証但諸史俱謂
在陰館且謂應之名州以此山意應與代毗連不妨
兩地俱存也仍之

黃花崗 金志崗旁有金仙洞懸石如樓殿 秋日花

耀金光張翰詩黃花如散金李白詩張翰黃花句風
流五百年可爲是山賦矣

黃沙口 州東南六十里北接牛槽峪南通代州大石

口

余都峪

一作余睹

金史太宗本紀天會二年十月聞遼主

從者不過四千戶有步騎萬餘欲趨天德駐余都谷
三年二月婁室獲遼主於余睹谷 按遼史天祚本
紀至應州新城東六十里爲金人完顏婁室等所獲
而金史宗幹列傳則云獲遼主於應州西余睹谷又

應州續志

卷一

八

海里列傳云海里從婁室追及遼主於朔州阿敦山
遼主從數十騎逸去婁室遣海里往見諭使降遼主
窮蹙待於阿敦山之東婁室因獲以歸合數條考之
則余睹谷當在今西山口一帶而所云新城更在其
西也雲中志謂在南山悞

桑乾河 州西二十里通志云源出馬邑洪濤山下由
馬邑南山陰北東流經州西境梁亭村賈家寨曹娘
子村白堂子村劉霍莊鄭家莊等處凡二十里有奇
北入懷仁界東合渾河 魏中山仇洛齊乘驢赴京

古蹟

應州故城 今城東十里舊志唐天寶初大同節度使王忠嗣所築乾符間李國昌爲節度使移築天王村南故城遂廢按王忠嗣原傳祇稱自朔方至雲中數千里據險築城並無城應之語又李國昌五代史本紀亦未載移築之事不知舊志何據

金鳳井 蕭志據一統志謂唐晉王李克用生時有金鳳飛出郡志通志則謂後唐明宗生此攷五代史本紀李克用沙陀人未嘗言生於應州惟遼史地里志

應州續志

卷一

有後唐太祖生神武川之新城語考應州有神武鎮又有神武川宋史周廣傳其先應州神武川人新城見遼史帝紀天祚出奔爲金人所獲在應州新城東似可爲克用生應之証然終非確據存疑可也至五代史職方考直書明宗爲應州人是金鳳故蹟屬明

宗通志郡志爲優

按遼史武州神武縣註謂神武川之新城卽克用生處攷通志神武

卽今寧武顧寧人京東考古錄謂武州在朔州西境故不敢遽定爲應

黃昏城 郡志後魏文帝築金志金城縣有黃花城按黃花城因黃花山得名卽新平城花昏音相近遂訛

爲黃昏耳

鹵城 漢志代郡鹵城縣有虜池顏師古注滹沱出鹵城章懷注山海經云秦戲之山滹沱水出焉在今代州繁峙縣通志在繁峙縣東百里本漢縣地多鹵土因名據此則鹵城非應州明矣舊志謂在州境內悞劉知遠故宅 舊志在城東二十里有石甃井瓜地在焉又載瓜園在城東輝耀村爲知遠微時種瓜處攷五代史漢高祖劉知遠其先沙陀部人後世居於太原原知遠弱不好弄嚴重寡言與晉高祖俱事明宗爲

應州續志

卷一

十二

偏將據此則知遠生於太原並非應人何緣應有故宅並微時種瓜之地且旣屬應產州志人物何又遺之明係附會無稽識者存而不論可也

金城廢縣 在州城內五代遼金元俱隸州治明洪武初省入州郡志永樂間嘗掘得金城縣印今爲儒學

田志卽安東衛治 蕭志謂 本朝初省八州悞

釋迦木塔 在州城佛宮寺內郡志云遼清寧二年建高三十六丈圍半之六簷八角上下皆巨木爲之層如樓閣玲瓏宏敞浮圖之麗甲於宇內元順帝時地

太原汾州貿易之人爲多間有服牛輶馬走他鄉者亦不過逐什一之微利非能擁陶猗之貲效觀時變審棄取之智也

冠禮久廢婚禮男家遣媒議親女氏許諾卽卜日交換庚帖臨娶前期乃用茶餅冠服衣飾送至女家不用聘金娶惟一女婦往迎女家送嫁亦然娶日設席祇待并宴親朋之助財慶賀者三日後壻攜新婦歸寧拜女家之父母謂之回堂款留至數十日併宴親朋之助粧奩者擇日送女及壻歸謂之送回堂女之親

屬母黨俱來壻家相見各有贈遺壻家款留如之其婚嫁不論財最爲近古衣飾亦無奢僭者雖六禮不備而儉質可取居喪自初没至旣葬凡棺槨衣衾墓道俱稱家有無儀節亦寧戚毋易然好作佛事殊嫌悖禮逢七日則奠哭以七七四十九日爲止謂之盡七有力者遇七日邀戚友置酒宴會尤大可詫也誌銘行狀雖士夫家亦從不講柩旣升輦孝眷及門而反戚友要奠於衢無送葬至墓所者葬後三日復奠於墓謂之復三卒哭祥禫等祭俱廢不行當親朋致

賻必厚治酒食酬謝往往所費浮於所賻致遭喪之家有槩却賻儀而不敢受者士庶祀先無家廟惟卽居室中堂供祖考神主歲時伏臘及誕日忌日薦新獻食而已其他清明日用紙錢麥飯澆酒墓上七月十五日具瓜果上塚供獻十月一日剪色紙爲冥衣焚墓頭謂之送寒衣皆未合古人典禮蓋習俗移人賢者不免云

炳按郡邑各志風俗俱列方輿之內蕭志另爲一門并臚列歲時瑣屑贅矣茲惟備載四民四禮以資採

風之助蓋衆所同者削之州所獨者詳之體宜然也夫移易風俗雖牧令司其權然縉紳爲民之望如王彥方於漢邵康節於宋皆能以身垂範流風所被鄉邑愚民匪惟不敢卽於慝淫亦且不忍外於德化當其時規惡甚於罹罰遷善速於置郵非禮教信義素有以服人者耶應之吉凶諸禮囿於習俗婚媾以酒食糜費喪葬以僧道混淆不合典則多矣整躬率物佐有司以轉移變化之道是所望於惠愛桑梓者

災祥

遼聖宗太平二年三月地震雲應二州屋摧地陷

咸雍四年三月振應州饑民

俱見
帝紀

元世祖至元四年五月應州大水

武宗至大二年六月金城縣雨雹

仁宗延祐五年九月大同路金城縣大雨雹

俱見
本紀

泰定帝泰定元年六月大同渾河溢漂渾應州民廬

舍

泰定四年應州雨雹害稼

應州續志

卷一

十七

大德九年嘉禾生應州

俱見五
行志

明宏治十四年四月辛未應州黑風大作

宏治十五年十月應州地震有聲如雷

正德八年十月應州地震有聲

俱見五
行志

嘉靖二十年六月大同隕霜殺稼應州饑

崇正十六年秋九月應州樹再花

俱見
通志

炳攷諸史推本洪範五行五事休咎之徵條分縷晰

分應以妖孽旤疢眚祥之類雖其說不無附會而彰

天戒謹人事君子有取焉應之為州微矣僻居荒徼

疑無當於天人感應之理然夏秋之際風沙雨雹
霜殺稼歲所閒有大抵天道遠人道邇災異之來未
必不由於人事諉諸天數則非古聖人恐懼修省之
意也夫易之爲道吉一而凶悔吝居其三敬天勤民
之君子可勿遇災而懼思所以轉禍爲福之道哉

應州續志卷之一終

應州續志

卷一